



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvací, 1625

De desiderio diuina fruitionis. XIX.

[urn:nbn:de:hbz:466:1-45790](#)

vt sanetur. Qui tepidus est, veniat vt accendatur. Qui timidus est, veniat vt confortetur. Qui tristis est, veniat vt consoletur. Qui aridus est, veniat vt adipe & pinguedine spiritus replicatur. Qui tædio afficitur, veniat vt gaudio recreetur. En deliciæ meæ, esse cum filijs hominum. Qui sapientiam concupiscit, veniat ad doctrinam meam. Qui diuitias quærat, veniat, vt accipiat æternas & incorruptibiles. Qui honores ambit, veniat, vt hæreditet nomen æternum in cælo. Qui felicitatem desiderat, veniat, vt eam sine timore & periculo possideat. Qui omnium bonorum abundantiam concupiscit, veniat ad me, vt summum, eternum, ac immensum bonum percipiat. Ego sum, qui omnia temporalia bona præsto; & super temporalia, æterna bona in cælestibus tribuo. Nec promissio meæ deero, cùm adimpleta fuerit mandatorum meorum salutaris obseruantia. Coronabitur autem gloriösè in cælo, qui legitimè certauerit in hoc mundo.

CAP V T XIX.

De desiderio divina fruitionis.

Psal. 23.

1. **M**editatio cordis mei in conspectu tuo semper. Quid animæ fidelis suauius, quid iucundius esse potest, quām deuotè de Domino Deo dilecto suo meditari; vt quem clara ac beatifica visione intueri necdum valeat, saltē per studiosam recordationem, quasi præsentem sibi faciat? Contempletur igitur eum perspicuum in ænigmate, quem facie ad faciem non potest videre. Scrutetur nihilominus per scripturas & figurās, quem in suo fulgore contemplari non sufficit. O si studium quærendi faciem Domini nunquam frigescat, sed de die in diē magis feruescat! Ille nest autem animæ Deum amanti incessabilis æstus, ad eius visionem perfruendam: quia visio Dei, beatitudo summa & felicitas perfecta est. Appetit ergo hanc beatitudinem, quatenus totus eius appetitus, suo coniunctus fini, satietur & quietetur; quoniam nullo præstribono poterit vñquam contentari. Nam & crebra experientia didicit quod quanto longius à cælesti beatitudine errauerit, tanto infelior est & inquietior, cūm nihil in creaturis stabile apparet aut durabile, quo eius affectus possit mitigari.

Psal. 102.

2. Redeat ergo ad eum, à quo facta est; & ab illo requirat beatitudinem, vnde sumpsit originem: Quóniam quidem, qui creavit animam, ipse est, qui satiat in bonis desiderium eius. Nam talem affectum ei indidit, vt eo dempto nullum sit bonum, quo contentetur; nullum gaudium, quo securè fruatur. Noli ergo hic stare anima mea, quia non est iste locus requietionis tuæ: sed perge sursum, ascende ad eum, qui te fecit. Iam enim & ille nuncios mi-

fit,



sit, & inuitat ad ascendendum. Quod desideria æternæ vitæ inspirat, tot nuncios tibi transmittit: quibus suscepisti, para te ad ambulandum. Ambulas, si eum videre desideras; si ei placere contendis; si inferioribus abrenuncias; si eius amore agis, quicquid agendum vel dimiteendum fuerit. Non enim tu eum prius quædere posses, nisi & ipse te prius quæsisset, & sancta in te desideria suscitasset. Siquidem languet illa anima, non amore sed tædio perniciose, quæ æterni solis non fuerit irradiata calore. Sed si astro suauiter flante, à frigore fuerit resoluta & mœrore, tunc mox æstuare incipit præ desiderio inspirati luminis, ad incomprehensibile arcum diuinitatis.

3. O veri solis ardor immensus, quot tunc in amante parturis æstus? Soluis tristitie tenebras, & laboriosas actiones in nihilum mutas. Longos annos diesque paupertatis, uno simplici illapsu abunde consolaris. O tristum medicina, o errantium & querentium fulgida lucerna. Tu iugiter mihi mica; tu mansionem in me para, donec illicescat lux perpetua. O quam dulcis & iucunda erit tua præsentia, quando ex sola tenui memoria, tanta prodeunt solatia! Quam libenter me possum ad te conuertere; quam liberè omnibus renunciare, ut tua gratia merear consolari. Non enim difficile erit animæ cupienti tuam cernere faciem, à præsentium se oblectatione nudare, cum iam maiorem interius sentiat, aut in proximo sibi largiendam, fiducialiter abs te expectet.

4. Præterea nullus insipienter cogitans putet, quod tu animam tibi deuotam, diu inconsolatam relinques; vel quod parua recipiet charismata gratiæ, pro vniuersis victorijs naturæ; quia nec in qualitate, nec in suavitatis quantitate, poterit vñquam ius celesti consolationi comparari qualiscumque terrena delectatio, & vndecumque concepta. Siudcas ergo fidelis anima, talem te exhibere Christo caelesti Sponso, vt eius gratia & consolatione digna semper existas; quia per ipsum & in ipso copiosissimè repries, quod te in quavis anxietate positam consoletur. Quanto frequentius ad ipsum accesseris, ejusque lateri vicinus & tuum applicueris, tanto tibi dulcior & iucundior apparebit. Quod si te subtraxeris, tu sola detrimentum patieris; ille autem in sua pulchritudine permanens, nil triste sentiet nec molestum. Tu illius bonitate eges, ille nullius. Ideo tu beatior ex ipso fieri potes, ille ex tuo profectu non potest. Solus est, qui sibi sufficit; solus cui nihil addi minuiū potest. Eius gratia sunt, quæcumque sunt, quæcumque vivunt, sentiunt, & intelligunt. Merito ergo omnia, quæ creata sunt, ipsum laudando benedicunt.

5. O si possem sufficienter cum ei arrare tibi & explicare, quam libenter id agerem! Sed quod ineffabile est, sicut est, effari prohibetur

hibetur. Similiter quod inexcogitabile fertur, nulla cogitatione vel voce vere formatur. Et cum ita sit, cogita tamen interim humano more de creatore, habendo memoriam suavitatis eius pro solatio, donec presentiam vultus sui tibi ostendat in regno.

CAPVT X X.

De gemitu anima ex dilatione gloria.

Psal. 30.

Isaie 38,

I. *Ego dixi in excessu metus mea, projectus sum à facie oculorum tuorum.* Percussum est cor meum intra me, ex dilatione gloria tuae. Loquar ergo, & confabulabor cum amaritudine animæ mea. Vis amoris tui dicere me compellit, nec patitur tibi aliquid abscondi. Quid igitur referam? Ecce Deus meus, *in pace amaritudo mea amarissima.* Qui non intelligit, nescit, quid hæc volunt. Non ego sic, sed scio & sentio, & ideo cantare cum Propheta non erubesco. Tibi Domino Deo meo loquor, cui omnia sunt nota, qui & scire dedisti & sentire pro bona voluntate tua; ne forte plus glorier, aut æstimer aliquid ab insipiente. Quod ergo à te accepi, dicere possum tibi. Et quid opus est tibi hoc dicere, cum omnia scias, nec ullam ex his solatium expectes? Et quale solatium ibi veniret, qui es consolatio desolatorum? Ergo mihi totum proficuisse potest, qui verborum adhuc solatio indigeo; ut sermonibus bonis & dulcibus, excitem affectum meum in te, & faciam refrigerium aliquod desolatae animæ meæ. Etenim cum non possum te videre presentem, lugebo absentem; quia & hoc amoris est indicium, & dulce satis amanti. Iam sensus huius versiculi apparere incipit, quia de anima amante rectè scribitur. Quanto enim ardenterius amat, quantoque vehementius æterna desiderat; tanto veraciùs virtutem huius versiculi in se vivere sentit. Non sunt frigida verba, nisi non amanti: nec surda organa, nisi cor obturanti. Scit amans & flagrans anima, & toties intra se concalescit cor eius, quoties ex amore æternæ pacis compungitur. Ipsa ergo dicit tibi Domino Deo suo; non hominibus, quibus ignota esse cupit. Et si hominibus aliquando loquitur, hoc tamen foris est, quod illi audiunt: tibi quicquid dicit, intus dicit, & amando magis quā sonādo. Ecce (ait) *in pace amaritudo mea amarissima.* Ac si confiteatur: Postquam ad pacem mentis te largiente redij, magis mihi graue esse incipit fallax status mundi. Video enim in hac pace, quantum disiungor à summa pace. Et quidem prius occupata desiderijs terrenis & varijs commota passionibus, plurimum impediabar ab interioribus meis, & per consequens à contemplatione coelestium, pro quibus anxiè gemere debui, sed minimè potui; quia sensum interni doloris, per incuriam perdidī. Iam ve-

Explana-
tio mysti-
ca verbi
Ezechie in
pace.

10

